


ТОШКЕНТ ОҚШОМ

Газета 1966 йил 1 июдан чиқа бошлаган № 20 (9.517) 2001 йил 16 февраль, жума Сотувда эркин нархда

XVI сардоси

Барча маълумотлардан олинган сўягги хабарлар

ПОЙТАХТНИНГ Бир кўни Янгиликлар, воқеалар



А. Курбанов касбини улуғлаб келаётган моҳир дастгоҳчилангардир. Тоҳир Нигматуллин олган сурат.

Қисқартриларда

- ♦ **ЯККАСАРОЙ** туманида яқиндашиб келаётган Халқаро хотинлар байрами — 8 Мартга бағишланган тадбирлар режаси тасдиқланди. Тумандаги Бобур номли маданият ва истироҳат боғида туман фахрийлари ва корхоналарнинг хизматчилари шарафланади.
- ♦ **ХАМЗА** туманида Наврўз байрами муносабати билан туманнинг ободонлаштириш бўйича ойлик бошланди.
- ♦ **БУГҮН** пойтахтимизда фаолият кўрсатаётган Хинд маданият марказида улуғ шоир ва мутафаккир Алишер Навоий таваллудининг 560 йиллигига бағишланган симпозиум бўлиб ўтди.
- ♦ **ШАЙХОНТОХУР** туманидаги 34-мактаб ўқувчилари, уларнинг ота-оналари ва муаллимлари ташаббуси билан ташкил этилган «Дўстлик» байналмилал клубининг тақдимот маросими бўлиб ўтди.
- ♦ **СЕРГЕЛИ** туманида туман ҳокимлиги ходимлари маҳалла кумиталари, туман меҳнат биржаси, Ички ишлар бошқармаси, халқ таълими бўлими вакиллари билан ҳамкорликда маҳаллаларда ёшларни ишга жойлаштириш юзасидан учрашувлар бошлаб юборилди. Шу ойнанг охиригача туманнинг барча 33 та маҳалласида ана шундай тадбирлар ўтказилди.

Режалар аниқланди

Мана икки йилдики, Зулфия номидаги Давлат мукофотига номзодлар аниқланди, голиб деб топилган энг иқтидорли қизлар ушбу мукофотга сазовор бўлмоқдалар.

Тошкент шаҳар ҳокимлигида Зулфия номидаги Давлат мукофоти бўйича Тошкент шаҳар комиссиясининг йиғилиши бўлиб ўтди. Йиғилишда Тошкент шаҳар ҳокимининг ўринбосари, шаҳар хотин-қизлар кўмитасининг раиси Фарида Абдурахимова Тошкент шаҳар комиссиясининг

Барчамизнинг қалбимизга гурур, дилларимизга сурур бағишлайдиган энг улуғ, энг азиз байрамимиз — Мустақиллигимизнинг 10 йиллигига тайёргарлик кетаётган шу кезларда «Оқшом» тахририятига келаётган мактубларда, телефон кўнги-роклариди ҳамшаҳарларимизнинг дил изохлари ўзгача жарангламоқда.

- ♦ **Нигора ТОҒАЕВА, «Ўзкимёфарм» хиссасдорлик жамияти цехи устаси:**
— Меннинг талабалик йилларим мустақиллик йилларига тўғри келди. Тошкент фармацевтика институтини 1997 йилда тугаллаб, ушбу корхонада иш бошладим. Истиқлол туфайли ёшларга берилган эътибордан фахрланаман. Икки ойда билимим, ишга лаёқатимни муносиб тақдирлашб цех усталлигига кўтаришди. Бундай имкониятлардан бошим осмонга етди. Мустақил юртим, азиз Ватаним равнақи учун ҳар қанча меҳнат қилсам оз деб ўйлайман. Эл саломатлиги йўлида хизматдан толмайман. Чунки барча эзгу ниятларим ўз қадрдон ҳамюртларимга бахшида бўлади.

- ♦ **Муҳайё АЛИЕВА, «Юлдуз» хиссасдорлик жамияти тикувчиси, «Шўхрат» медали соҳибаси:**
— Мустақилликнинг биз аёлларга, оналарга кўрсатилган ҳурмат-эҳтиромда ўрни бекиёс бўлди. Мен шундан фахрланаманки, 4 нафар фарзандим — ўғилларимнинг айна камолот дари Истиқлол йилларига тўғри келмоқда. Улар ўз элнинг содиқ фарзандлари бўладилар, эртага ўсиб, улгайиб она Ўзбекистонимиз равнақи учун хизмат қиладилар. Мустақиллик улларга ана шундай имконият яратди. Яна қаранг, бугун оддий, меҳнаткаш одамлар кадр топмоқда, муносиб баҳо олмақда. Мен ҳам ана шулар қаторида эъзозлангимдан қалбим фахрга тўлади.

- ♦ **Рустам ХОЛМАТОВ, «12-трест» хиссасдорлик жамияти 50-қурилиш бошқармаси пайвандчиси:**
— Мамлакатимиздаги бугунги катта ўзгаришлар барчамизни қувонтиради. Биргина пойтахтимиз Тошкентни оилайлик: эҳ-ҳе, 10 йил ичида қанча-қанча иншоотлар қурилди. Буларнинг ҳаммаси халқимиз бахт-саодати, фаровонлиги йўлида хизмат қилаётгани ҳар бир асл ўғлонни гурурлантириши, шубҳасиз. Мен ана шундай эзгу ишларга улуш қўшаётганимдан қувонаман. Мустақиллик менга ўз ҳунаримдан оқилона фойдаланиш имкониятини бериб, меҳнатимни халқимга манзур қилмоқда.

ТАДБИРЛАР

Миллий истиқлол ғоясини ўрганамиз

Шаҳримизнинг Шайхонтоҳур туманидаги 324-ўрта мактабда Президентимизнинг «Миллий истиқлол ғояси: асосий тушунча ва тамойиллар» рисоласини ўрганишга бағишланган семинар ўтказилди.

Семинарда шаҳар «Маънавият ва маърифат» жамоатчилик марказининг раҳбари С. Салимов, Тошкент Ислон университетининг ўқитувчиси, фалсафа фанлари номзоди М. Қодиров сўзга чиқиб, ушбу рисоланинг ёшлар тарбиясидаги аҳамияти, мактаб ўқувчиларига бу рисоланинг мазмун ва моҳиятини чуқурроқ ўргатиш тўғрисида гапирдилар.

Гулором ХАМИДОВА



- ♦ **Ўзбекистон Республикаси Президенти Ислон Каримов Оқсаройда АҚШнинг «Ньюмонт майнинг» компанияси бошқаруви раиси Рональд Кэмбри ҳамда мазкур компаниянинг президенти ва бош ижрочи директори Уэйн Мардини қабул қилди. Музокаралар чоғида «Зарафшон-Ньюмонт» Ўзбекистон-Америка қўшма корхонаси фаолиятини янада такомиллаштириш, шунингдек, Ангрнда янги лойиҳани амалга ошириш вазифалари муҳокама қилинди.**
- ♦ **Ўзбекистон Республикаси Президенти Ислон Каримов АҚШнинг Ўзбекистондаги Фаваққул ва Мухтор элчиси Жон Хёрбстин қабул қилди. Жон Хёрбст Ўзбекистон Президентига Оқ уй раҳбари Жорж Бушнинг шахсий мактубини топширди. Сўбат чоғида Ўзбекистон билан АҚШ ўртасидаги ҳамкорлик алоқаларига оид масалалар юзасидан ўзаро фикр алмашилди.**
- ♦ **Олий Мажлис Ёшлар ишлари кўмитасининг бўлиб ўтган йиғилишида «Ёшларга оид давлат сиёсатининг асослари тўғрисида»ги Қонуннинг Наманган вилоятида ижроси ҳақидаги масала кўриб чикилди.**
- ♦ **Олий Мажлис Иқтисодиётни ислоҳ қилиш масалалари ва тадбиркорлик кўмитасининг навбатдаги йиғилишида «Акциядорлик жамиятлари ва акциядорларнинг ҳуқуқларини химоя қилиш тўғрисида»ги Қонуннинг Бухоро вилоятидаги ижроси муҳокама қилинди.**
- ♦ **Ўзбекистон Республикаси Вазирлар Маҳкамасида Хисоб-китоблар механизмининг такомиллаштириш ва бюджетга тўловлар интизомини мустаҳкамлаш бўйича ҳукумат комиссиясининг навбатдаги мажлиси бўлиб ўтди. Унда ҳисоб-китоблар механизмининг такомиллаштириш ва муддатга тўланган дебиторлик ҳамда кредиторлик қарзларни қисқартириш бўйича кичик комиссияларнинг бажарилган ишлар тўғрисидаги ҳисоботлари тингланди, бюджет ва бюджетдан ташқари жамғармаларга тўловлар, ўзаро ҳисоб-китоб ахволи, шунингдек, вазирлик ва идораларнинг иш ҳақиқа доир қарздорлиги масалалари кўриб чикилди.**
- ♦ **Кеча** пойтахтдаги «Шератон» меҳмонхонасида Олий Мажлисининг Демократик институтлар, нодавлат ташкилотлар ва фуқароларнинг ўзини-ўзи бошқариш органлари кўмитаси ҳамда Оқиқ жамият институти кўмак жангармаси ҳамкорлигида «Ўз-ўзини бошқарув органларининг ҳуқуқий бошқарилиши: қонунчилик ва амалиёт» мавзусида халқаро конференция бошланди.
- ♦ **«Анджононўшт» хиссасдорлик жамияти меҳнат ахли Элонлар ва болалар илми муносабати билан кичкинтойлар учун семинли ва фойдали бўлган гематогаген ишлаб чиқаришни йўлга қўйди.**
- ♦ **Бухорода Матбуот маркази иш бошлади.**

Жаҳонда

- ♦ **Американинг Дэнвер шаҳрида «Марказий Осиёнинг хашамдор ипакари» деб аталуви кўргазма очилди. «Ньюмонт майнинг» компанияси шафелигида ташкил этилган ушбу кўргазмада таниқли америкалик санъатшунос, Гарвард университетини профессорси Г. Голдман томонидан тўпланган ўзбек ипакари тўқималари намойиш этилмоқда.**
- ♦ **Бугун Италияда «Катта саккилик» мамлакатлари молия вазирлари ва Марказий банклари раисларининг учрашуви очилди.**
- ♦ **Кеча** Пловдивда Болгария, Руминия ва Туркия Президентлари ушган жиноятчиликка қарши кураш масалаларини муҳокама қилдилар.
- ♦ **Россия Президенти Владимир Путин ва Япония Бош вазири Иосиро Морининг олий даражадаги учрашуви 25 март куни Иркутск шаҳрида бўлиб ўтди. Япония ташқи ишлар вазирлиги вакили шуни маълум қилди.**
- ♦ **Бангладешда мамлакат Бош вазири Ҳасин Вазиднинг истефого чикиши талаби билан омавий иш ташлаш ўтказилди. Мазкур тадбир Бош вазир тарафдорлари ва унга қарши бўлганлар ўртасидаги тўқнашуга айланиб кетди.**
- ♦ **Россия Президенти мамлакат Бош прокурори Владимир Устинов фаолияти, хусусан, унинг Москвада хашаматли хизмат квартирасини қандай йўл билан олганлигини ўн кун ичида аниқлаш учун Кремлдагиларга топшириқ берганлиги ҳақида «Интерфакс» ахборот агентлиги маълум қилди.**
- ♦ **Филиппин Адлия вазирлиги расмийлари шу йил 20 январда мамлакат Олий суди қарори билан вазифасидан четлаштирилган Президент Жозеф Эстраданинг уйи қаттиқ назорат остига олинганлиги ва унинг хорижаг чикиши қаттиқ таъқиқланганлигини маълум қилди.**
- ♦ **Озарбайжонда Тоғли Қорабөг урушининг ноғиронлиги ҳукумат томонидан уларнинг пенсияси ҳамда нафакалари икки бараварга оширилиши тўғрисида берилган ваъда бажарилмаганидан сўнг очилк эълон қилиндилар.**
- ♦ **Санкт-Петербург метросида қуролланган 16 ёшли мактаб ўқувчиси милиция ходимини гаровга олиб кейин уни ўлдирди. Қотил шу ернинг ўзидаёқ ўзини ўзи отиб ташлади.**
- ♦ **Тула вилоятида йўловчилар ташийдиган автобуснинг 12 метрлик кўприкдан ағанаб кетиши оқибатида зарарланган 20 кишидан 15 нафари касалхонага ётқизилди.**
- ♦ **Хитойда юз берган кўчки оқибатида йўловчилар ташийдиган автобус кўлга ағанаб тушди. Автобус ичидаги 16 йўловчининг ҳаммаси халок бўлди.**

Бугунги сонда

- Юртга муҳаббат, фидойилик руҳида
- Самарали илмий изланишлар
- Ҳикматлар хазинасидан
- ТВ гастролари



Юнусобод туманининг Шахристон бекатида қад кўтарган янги бинолар.

ОСОЙИШТАЛИК — БУЮК НЕЪМАТ

Ватан равнақи йўлида

Тошкент автомобиль йўллар техникумида талабаларни Ватанга муҳаббат, фидойилик руҳида тарбиялаш, улар онгига замонавий билим, тушунча, дунёқарашни сингдириш борасида ибратли ишлар амалга оширилмоқда. Ушбу ўқув даргоҳида ижтимоий-сиёсий ва маънавий-маърифий йўналишлардаги турли тадбирларни тез-тез ўтказиб туриш яхши анъана тусига кирган.

Чилонзор туманидаги Тоир Дадашев номли 173-мактаб мажлислар залида Тошкент автомобиль йўллар техникуми саккизта гуруҳи талабаларининг «Ўзбекино» Давлат акционерлик компанияси ходимлари билан учрашуви ўтказилди. Илмий-амалий машғулот йўналишида ўтган ушбу тадбирда «Ўзбекино» компанияси мутасаддилари Мустақиллигимизнинг 10 йиллигига бағишлаб ишланаётган янги кино тасмалар тўғрисида маълумот бериб, талабаларни қизиқтирган саволларга жавоб қайтарди.

Сўнг талабалар Республиками Президенти Ислоҳ Каримовнинг «Ўзбекистон XXI аср бўсағасида: хавфсизлик таҳдид, барқарорлик шартлари ва тараққиёт

кафолатлари» асарлари ишланган тўрт қисмдан иборат «Президент Ислоҳ Каримов: Ўзбекистон XXI аср бўсағасида. Миллий лойиҳа» ҳужжатли фильмининг мустақиллиқнинг қарор топиши ва давлатчилигимизнинг шаклланишига бағишланган биринчи ва диний ақидапарастлик, уюшган жиноятчилик, халқаро террорчилик ва уларнинг салбий оқибатлари, инсоният бошига келтираётган кулфатлари тўғрисида ҳикоя қилувчи тўртинчи қисмларини томоша қилдилар.

Фильм бошланишидан олдин техникумнинг олий тоифали катта ўқитувчиси Шўҳрат Жабборов болаларга мазкур ҳужжатли асарнинг яратилиш тарихи, курраи замин осойишталигига раҳна солувчи диний ақидапарастлик, халқаро терроризм, гивандликнинг асл моҳиятлари ва жамиятга етказиб берилган зарари тўғрисида батафсил гапириб берди.

Шўҳасиз, бу каби маърифий тадбирлар талабалар ижтимоий-сиёсий онгининг ўсиши, улар дунёқарашининг ривожланиши, келгусида Ватан равнақи йўлида жон қўйдирувчи фидойи инсонлар сифатида шаклланишида муҳим омил бўлади.

Дилшод ИСРОИЛОВ

НАЗМ

Мусаффордир осмон

Оллоҳ назар қилган дийр, қадим, кутлуг маконимиз,
Амир Темур ворисимиз, улуг, тўлғу имконимиз!
Келди дадил Янги аср, янги давр-давронимиз,
Мусаффордир осмонимиз, Ўзбекистон посбонимиз!

Оллоҳ назар қилган дийр, эли яшар хур, бахтиёр,
Қаторда не норлари бор, кўкси қалқон шерлари бор,
Олам аҳли аро топган юксақ обрў, эътибор,
Ўз измида кун-тун ҳушёр, Ўзбекистон посбонимиз!

Оллоҳ назар қилган дийр, тушган равон, ёрғу йўлга,
Сарбонини асраб, қўллаб, дилдан бериб қўлни-қўлга,
Евларнинг пуч ҳаёлини совургувчи кўкка, кулга,
Марди майдон, содиқ Раҳмон, Ўзбекистон посбонимиз!

Искандар РАҲМОН

АНЖУМАНЛАР

Илмий-амалий семинар

Жаҳон иқтисодиёти ва дипломатия университетини кошдаги Шайхонтоҳур академик лицейида Тошкент шаҳридаги академик лицей ва касб-хунар коллежлари маънавият ва маърифат бўйича директор ўринбосарлари ва малакали педагоглар учун «Мен ўз йўлиمنى ўзим танладим» мавзусида уч кунлик илмий-амалий семинар бўлиб ўтди.

«Соғлом авлод учун» жамғармаси томонидан ташкил қилинган ушбу семинарни ўтказишдан мақсад ёшларни тарбиялашда кўпроқ нималарга эътибор бериш кераклиги, ёшларни миллий истиқлол ғоялари асо-

сида маънавиятини янада бойитишдан иборат бўлди.

Илмий-амалий семинарда Тошкент Давлат педагогика университетининг профессор ва ўқитувчилари дарс ўтишди.

Дилором ИКРОМОВА

ЯНГИ НАШРЛАР

«Она ва бола таянчи»

Абу Али ибн Сино номидаги тиббиёт нашриёти Оналар ва болалар йилга бағишланган китоблардан бир нечасини чоп этишга киришди. Кунни кеча «Она ва бола таянчи» деб номланган китоб босмадан чиқди.

Шифокор ва журналист Жуманазар Бекназаров қаламига мансуб бу янги нашрда мамлакатимизда амалга оширилаётган тиббиёт соҳасида олиб борилаётган ишлар ҳақида ҳикоя қилинади.

Китобда она ва фарзанд саломатлигини тиклаш билан боғлиқ тиббий муолажалар тўғрисида ҳам фойдали маслаҳатлар берилган.

Анвар УСМОНОВ

ТАДҚИҚОТЛАР

Геоахборот тизими

Ўзбекистон Республикаси Вазирлик Маҳкамаси хузуридаги Гидрометеорология Бош бошқармаси табиий муҳитни кузатиб борувчи 400 дан ортиқ ўз шохобчасига эга. Инсон ҳаёти учун хавф солувчи ҳодисаларнинг олдини олиш билан боғлиқ кузатишлар ҳам ушбу марказ фаолиятида муҳим ўрин тутади.

Бундай илмий изланишлар сел ва қўрқинчи сабабларини ўрганишда айниқса қўл келмоқда. Ўзбекистон ҳудудидаги сел хавфи мавжуд дарёлар ҳавзаларини тадқиқ этиш натижасида алоҳида хариталар юзага келди.

Қўрқинчи ўрганиш бўйича олиб борилган изланишлар ҳам ўз ичига Самарқанднинг бермоқда. Қўрқинчи хосил бўладиган жойлардан керакли ахборотларни олиш учун зарур техник воситалар яратилди. «Қўрқинчи» «Рута» деб номланган аппаратлардан ҳам кенг фойдаланилмоқда.

— Мутахассисларимиз қўрқинчи хавфи бор ҳудудларга бир неча бор илмий экспедициялар уюштирдилар, — дейди бошқарманинг етакчи ходими Ольга Рейзвич. — Чимёнда олиб борилган қўрқинчи туширишга доир кузатишлар бўйича тайёланган тавсиялар амалиётда ижобий натижасини бермоқда. Бундан ташқари географик ахборот тизими ҳам ишлаб чиқилди. Бу эса Чимёндан ҳудуднинг рақамли моделдан фойдаланиш имконини бермоқда.

Ана шу кузатувлар асосида «Чимёндан қўрқинчи ва сел хавфи» деб номланган геоахборот тизими хабаритаси яратилди. Мазкур картографик ишланма тоғларда олиб борилган кузатишлар лойиҳасини тузиш ҳамда сел хавфидан ҳимояланиш воситаларини қўллашда муҳим ўрин тутади.

Геоахборот тизимига доир бу тадқиқот «Геофизик масалаларни ҳал этишда замонавий методлар таҳлилдиган фойдаланиш» деган мавзуга бағишлаб ўтказилган республика илмий-назарий конференцияда юқори баҳо олди.

Ақбар АЛИЕВ

Сўранг, жавоб берамиз



Эшитишимизча бу йил шаҳримиз кўчаларида дастлабки электр транспорти—трамвай қатнай бошлаганига юз йил тўлар экан. Айтишларича дастлабки трамвайларни отлар тортди юрган экан. Шу ҳақда маълумот берсангиз.

А. Аҳроров.

Дарҳақиқат, шаҳримизда дастлабки трамвайлар Бельгия акционер жамияти билан биргаликда тузилган битимга мувофиқ 1901 йилнинг 30 мартдан қатнай бошлаган. Шу кунни ўша вақтларда конька деб аталган трамвайлар отлар ёрдамида рельс устида ҳаракатга келтирилган. Ҳар бир конька 24 йўловчига мўлжалланган бўлиб, ўша пайтларда мавжуд барча 30 та конька учун 288 та от хизмат қилар эди.

1907 йилдан 1926 йилгача трамвайлар ёнилғи билан ишлайдиган двигателлар ёрдамида ҳаракатланган. Шаҳримизда Бўзсув ГЭСи ишга тушгач трамвай электр қуввати ёрдамида ҳаракатлана бошлади.

Республикамиз мустақилликка эришгач, мамлакатимиз Парламенти томонидан халқимиз ва давлатимиз манфаатларига хизмат қилувчи жуда қўлқаб Қонулар қабул қилинди. Айтишчи, кейинги пайтларда Қонулар кўпроқ қайси соҳалар бўйича қабул қилинмоқда?

Д.Икромов.

Ўзбекистон Республикасининг кейинги йилларида шаклланиётган қонунчиликни тўрт гуруҳга: конституциявий тузум асосларини мустаҳкамловчи қонунлар, ижтимоий-иқтисодий ислохотлар ҳуқуқий негизини белгилувчи қонунлар, давлат органлари тизимини шакллантирувчи қонунлар, шунингдек инсон ва фуқаролар ҳуқуқ ҳамда эркинликларини белгилувчи қонунларга бўлишимиз мумкин.

Мен давлат ташкилотига 6 йилдан бери ишлайман. Бошлгимиз мендан сўрамасдан бошқа ишга ўтказиб юборди, Раҳбарнинг бунга ҳуқуқи борми?

Агар ходим ва ташкилот раҳбари ўртасида шундай воқеа рўй берган бўлса, Ўзбекистон Республикаси Меҳнат кодексининг 274-моддасига биноан суд ходим билан тузилган меҳнат шартномасини ғайриқонуний равишда бекор қилишда ёки ходимни ғайриқонуний равишда бошқа ишга ўтказишда айбдор бўлган мансабдор шахс зиммасига ана шу ходимга иш ҳақи тўланиши муносабати билан иш берувчига етказилган зарар ўрнини қоплаш мажбуриятини юклайди. Бундай мажбурият, башарти меҳнат шартномасини бекор қилиш ёки бошқа ишга ўтказиш қонунни очиқ-ойдин бузган ҳолда амалга оширилган ёки мансабдор шахс суднинг ходимини ишга тиклаш тўғрисидаги қарори ижросини кечиктирган бўлса, юклатилади.

Етказилган зарар ўрнини қоплаш учун тўланадиган ҳақ миқдори мансабдор шахснинг уч ойлик маошидан ортиб кетмаслиги лозим.

Мен хусусий фирмам фаолияти учун давлат ташкилотидан икки хонани ижарага олганман. Ижара ҳақини ўз вақтида тўлайман. Ижарадан ташқари хона учун амортизация чегирмасини тўлашим керак экан, шу тўғрими?

С. Аҳмедов.

Ўзбекистон Республикаси Солиқ кодексининг 23-моддасига мувофиқ асосий воситалар амортизация қилинади. Ер бундан мустасно. Асосий воситаларнинг солиқ солинадиган давр мобайнида белгиланган нормалар доирасида ҳисобланган амортизация ажратмалари суммалари жами даромаддан чегириб ташланади.

Амортизация ажратмаларининг суммалари асосий воситаларнинг дастлабки (тикланиш) қиймати ва ушбу молдада белгиланган амортизация нормалари асосида ҳисоблаб чиқарилади. Амортизация мuddати тугагандан сўнг эскириш ҳисобланмайди. Асосий воситаларни узоқ мuddатга олган юридик шахслар ҳам ўзларига қарашли, ҳам ижарага олинган асосий воситалар юзасидан амортизация ажратмаларини ҳисоблайдилар. Бу ҳолда ижарага берувчи ижарага берилган асосий воситалар учун амортизация ажратмаларини ҳисобламайди.

Асосий воситаларнинг амортизация нормалари қуйидагича бўлади:

1. Енгил автомобиллар, такси, йўлларда фойдаланиладиган автотракторлар техникаси, махсус асбоб ускуна ва жиҳозлар (компьютерлар, периферия қурилмалари) 20 фоиз;
2. Юқ машиналари, автобуслар, махсус автомобиллар, саноатнинг барча тармоқлари учун 15 фоиз;
3. Темир йўл, денгиз, дарё ва ҳаво транспорти воситалари учун 8 фоиз;
4. Бинолар, иншоотлар ва иморатлар учун 5 фоиз.

Хурматли ҳамшаҳарлар! Ўзингизни қизиқтирган масалалар юзасидан 133-99-42 телефонига қўнғироқ қилсангиз малакали мутахассислар ёрдамида саволларингизга батафсил жавоб беришга ҳаракат қиламиз.

Душанба 19

Телекомпаниялар дахилликта
Профлактив таълим билиш
«Узбекистон - 1» телеканали курсатувлари

империясининг эмриллиги
1.05-1.10 «Хайрли тун, шаҳрим!»
15.00-16.00 ТУРКИЯ ТЕЛЕВИДИЕНЕСИ

«Юлдузи онлар»
15.45 «...16 ёшгача ва ундан катталар»
16.00 «Покером». Мульт-сериял

«Сан-Антоня соғварлари»
Тоғ чанги спорти
20.00 ТВ-Маржада премьералар

Сешанба 20

Телекомпаниялар дахилликта
Профлактив таълим билиш
«Узбекистон - 1» телеканали курсатувлари

15.00-16.00 ТУРКИЯ ТЕЛЕВИДИЕНЕСИ
16.00 Курсатувлар тартиби
18.05 «Мультифильм»

«Партия оптиллари» жанги фильмиди
12.15 «Хайрли кун»
13.00 Александр Збруев ва Игорь Шарп

12.35 «Дунёдаги энг катта муз»
13.15 «Исон ва денгиз»
13.35 «Севги садокати»
13.55 «Севги садокати»

Жума

23

23.10 ТВда сериал: 10-қисм. 00.25 «Хонлар ва эълонлар».

IV

6.00 «Ассалом, Ўзбекистон».

9.15 «Янги авлод» студияси «Катта таъбир».

IV

15.00-16.00 ТУРКИЯ ТЕЛЕВИДИОСИ.

10.15 «Марҳум нима деди».

ТВ6

8.45, 20.00, 02.25, 03.40 «Йил назорати».

01.00 «Муслик йулчақ».

0.20 Минидубул бўйча «Ишонч».

14.45 «Қишлар ва тоғлар».

Спорт

14.10 «Спорт, спорт, спорт».

30

9.00 Дастирнинг очилиши.

30

9.00 Дастирнинг очилиши.

РТР

6.00, 7.00, 8.00, 9.00, 11.00, 14.00, 17.00, 20.00, 23.00.

НТВ

7.00, 8.00 «Бугун эрта».

ТВЦ

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

YOSHLAR

8.55 Кўрсатувлар дастури.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

Шанба

24

IV

6.00 «Ассалом, Ўзбекистон».

IV

9.15 «Янги авлод» студияси «Катта таъбир».

IV

9.00 Кўрсатувлар тартиби.

ТВ6

8.45, 20.00, 02.25, 03.40 «Йил назорати».

ТВ6

8.45, 20.00, 02.25, 03.40 «Йил назорати».

ТВ6

8.45, 20.00, 02.25, 03.40 «Йил назорати».

ТВ6

8.45, 20.00, 02.25, 03.40 «Йил назорати».

ТВ6

8.45, 20.00, 02.25, 03.40 «Йил назорати».

Спорт

14.10 «Спорт, спорт, спорт».

30

9.00 Дастирнинг очилиши.

30

9.00 Дастирнинг очилиши.

РТР

6.00, 7.00, 8.00, 9.00, 11.00, 14.00, 17.00, 20.00, 23.00.

НТВ

7.00, 8.00 «Бугун эрта».

ТВЦ

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

YOSHLAR

8.55 Кўрсатувлар дастури.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

ТВ6

8.00, 10.00, 13.00, 16.00, 18.00, 21.55, 2.00.

Подшоҳ Озодбахт ва Ҳожа сағпараст қиссаси

(Давоми).

Алқисса ровий айтурки, Ҳўжазода кўп илтифотлар билан сўзлаб, охири Ҳожа гавҳар фуруш рози бўлди, чунки Ҳожа жавоҳир фуруш Ҳожазодаанинг шайдоси бўлиб қолган эди. Алқисса, Ҳожа жавоҳир фуруш ўз гунаҳларини ва хизматкорларига фармойиш қилдики, сафар асбобларини муҳайё қилинглар! Сафар тараддудига тушдилар. Бу хайрни Ажам шаҳрининг савдогарлари эшитиб, улар ҳам Ҳожа билан бормоқ хоҳишини билдирдилар. Аммо, Ҳожа жавоҳир фуруш кўп ганж, гавҳар, ҳаддин зиёда моллар, ададсиз хизматкорлар, табл ва байроқ билан Нишопур шаҳридан чиқиб, Рум йўлига равона бўлдилар. Бўлак савдогарлар ҳам аларга қўшилиб жўнадилар. Ҳожа жавоҳир фуруш юз туяга нақдина тилло, кумуш ва бошқа жавоҳирлардан юклаб, бир неча қиличбоз йигитлар ва бир неча заррин камарли хушрўй фуломларни зотдор отларга миндириб олган эрди. Ҳожа жавоҳирфуруш ва бошқа савдогарларнинг ҳаммаси отга миниб, Ҳожазодаани ўртага олиб борур эрдилар. Нақора ва байроқни пеш-пеш чалиб ва тахти равонни тўрт туяга боғлаб ва ул итни бўйнидаги лаъллари билан тахти равонга ўтказиб, ҳамда ул икки қафасдаги одамларни ҳам туяга юклаб олган эдилар. Ҳар манзилгаки етар эрдилар ул Ҳожаанинг чодирларини қураддилар ва таом тановул қилиб, яна йўлга равона бўлдилар. Ниҳоят, Қўстанания шаҳрига бир манзил қолганда Ҳожаанинг борғоҳини ўрнатдилар, Вазирнинг қизи Ҳожа жавоҳир фурушдан рухсат олдики, ман илгарироқ шаҳарга бориб, ўзимга қарашли одамларимни йиғиб сизга алоҳида жой тайёрлатай деб, шаҳарга равона бўлди ва онасининг уйига бориб, ўзини онасининг оёғига ташлаб узрлар сўради. Онаси эса унд таъна ва маломат қилиб дашном берарди. Қиз айдики, эй она худо шохидурки, сенинг розилигингни олмай бир томонга бориб эрдим ва отамни зиндондан халос қилмоқ учун тараддудда эрдим. Алҳамдулиллоҳ, ўшал отам таъриф қилган Ҳожа сағпарастни бўйнига ўн икки лаъл осилган ити билан бирига олиб келдим. Алҳол, алар шаҳардин бир манзил нарида турибдилар, мени аҳдим ва номусим ўз жойидадур. Эй она, манга яна бир -икки кун муҳлат бер, токи бошлаган ишларимни эътимомига еткурай ва отамни зиндондан халос қилай — деди. Онаси рози бўлиб муҳлат берди. Ўшал кечаси тонга яқин шаҳардин чиқиб бориб, Ҳожа сағпарастни кўриб, ул манзилдан кўчиб, шаҳарга яқин бир сабзозорга хийма (чодир) ва саропарда барпо қилиб, айш-ишратта машғул бўлдилар.

Алқисса, подшоҳ Озодбахт айтадурки, эй дарвешлар, қазодин манинг миришкорларимдан бирининг гузари ул сабзозорга тушадур. Вақти намози асрда кўрадурки, сабзозорга бир неча боргоҳ ва шомийоналар қурилган. Ҳожа ва бир неча савдогарлар чашма бўйича қўйилган сандалиларда ўлтириб суҳбат қиладурлар. Миришкор буларни кўргач ўзича фикр қилиб дейдурки, булар ҳар тарафдин келган элчилар бўлса керак. Алҳол шаҳар халқи бўлардан беҳабар бўлса ажаб эмас — деб, мулоҳаза қилиб турганда, Ҳожа сағпарастнинг кўзи ул миришкорга тушиб, ўз фуломларидин бирига буюрадики, ул одамни бу ерга олиб кел! — деб. Чун миришкорни келтирдилар. Ҳожа сағпараст айдики, эй жавонмард мен хизматингда бўлсам, бир жом қаҳва тайёрдур отдан тушиб ичсанг, мен бир савдогардурман деди. Миришкор савдогар сўзини эшитгач, отдан тушиб боргоҳга доҳил бўлди. Миришкор Ҳожа жавоҳир фурушни ас-асаю дабдабасини кўрди яна бир безатилган сандали устида бўйнига ўн икки дона лаълни шода қилиб осилган итни, унинг ёнида икки пўлат қафасга қамалган икки кишини кўриб ҳайратга тушадур. Ҳожа жавоҳир фурушдан ҳол-аҳвол сўраб, насл-насабини билиб олади. Ҳожа жавоҳир фуруш миришкорга шохона сарупо инъом қилади. Миришкор сарупони кийиб, сўнгра шаҳарга равона бўлади. Миришкор субҳидамда мани хузуримга кириб келди ва барча кўрганларини менга бир-бир баён қилди. Шунингдек, бўйнига лаъл осилган итни, қафасдаги махзун одамни гапириб берди. Подшоҳ Озодбахт яна айтадурки, ул Ҳожа жавоҳир фуруш ўз кирдиори билан манга ғариб бир мурдор, ўлимга маҳкум ёмон одам бўлиб кўринди. Бинобарин, жаллодга буюрдимки, бориб ўшал Ҳожаани бошини кесиб, мол-мулкни торож қилиб мени хузуримга келтиринглар! — дедим. Эй дарвешлар, қазодин шул вақтда ўшал фаранг элчиси хузуримда эрди.

Тургун ФАЙЗИЕВ тайёрлаган.
(Давоми бор).



Ижод ишқи.

Равиль Альбеков олган сурат.

Ибратли ҳикоят

Бир вақтлар Ҳазрат Сулаймонга икки хотин бир болани олиб келдилар. Бирини бу бола меники деса, иккинчиси ҳам «Йўк, меники», дер эди. Сулаймон:

— Ҳеч қачон бир бола икки онадан туғилмайди! Бола иккин-гиздан бирингизникидир. Икка-лангиздан бирингиз ёлғон сўзламоқдасиз, — деди.

Уларнинг иккаласи ҳам:

— Бола меники, — деб даъво қилдилар.

Ҳазрат Сулаймон даъвогарларнинг можаросини эртанги кунга қолдирди.

Хотинларга:

— Сиз бугун кетинг, бугун бу даъвои хал этмайман. Эртага эрталаб келинг, — деди.

Эртаси эрталаб иккала хотин келдилар.

Ҳазрат Сулаймон:

— Даъволарингни ҳал қилдим. Болани иккига бўламан.

Бир кўз-қулоқ, кўл-оёқ сенга, бир кўл-оёқ, кўз-қулоқ сенга, деган эди, сохта она «Майли», — деди. Ҳақиқий она эса:

— Е Сулаймон! Сиз нима қилмоқчисиз? Бола ўлади-ку! Бундай қилманг, майли, бола унга бўла қолсин, мен учун тирик бўлса, яшаса бўлди, — деди.

Ҳазрат Сулаймон боланинг бўлинишини истаган сохта она ни жазолади. Ҳазрат Сулаймон боланинг онасидан:

— Бу хотин нега сенинг боланга ёмонлик қилмоқчи? — деб сабабини сўради. Аёл:

— Е Сулаймон, бу хотин менинг кўшим бўлади. Бу хотиннинг менда адовати бор. Кўндан бери менга ҳасад қилади. Бу сафар унинг ёмонлиги бошига етди, — деди.

Муҳаббат ҲАБИБУЛЛАЕВА тайёрлади.

БИЛАСИЗМИ?

Тош қумғон

Самоварга илгари «хонадонимиз бекаси» деб сифат берилган. Устида дамлогли чинни чойнак, олпоқ буг пардасига ўралиб патир-патир қайнаб турган самовар дастурхонга чиндан ҳам ўзгача бир файз киритган.

Маълумки, «самовар» сўзи русча ибора. Самовар дастлаб Россияда ишланиб, ундан Урта Осиёга тарқалган. Лекин бу — самовар расм бўлмасдан, илгари замонда Урта Осиёда чой қайнатиладиган самовар тахлит рўзгор буюми бўлмаган, деган гап эмас, албатта.

Агар тарихга мурожаат қилсак, Урта Осиёда, жумладан

хозирги Ўзбекистонда аждо-ларимиз самоварга ўхшаш сув қайнатиладиган рўзгор буюм-лари ясашни қадим замонлардаёқ билишганлигини кўра-миз. Ўзбекистон Давлат санъат музейида сақланаётган бир талай рўзгор буюмлари ора-сида битта ғалати идиш бор. Унинг номи — тош қумғон. Кўриниши юмалоқ катта чой-накка ўхшайдиган бу буюм ях-лит тошдан тарашлаб ясалган.

Кўрииб турибдики, одам-лар ҳали металлдан шундай буюмлар ясашни билмаган даврда тош қумғондан фойда-ланишган экан.

Сиёҳ тарихидан

XVIII асрда сиёҳ тайёрлаш-да темир парчаси ўрнига те-мир купорасидан фойдалана бошланди. Бу эса сиёҳ тайёр-лаш суръатини кескин оши-риш имконини берди. Бундай сиёҳ русларда «асл сиёҳ» деб юритилди.

Қадимги сиёҳ ишлаш усул-ларининг моҳияти тери ишлай-диган кислоталарнинг кашф эти-лишидан кейин равшанлашди ва 1876 йилда улуғ кимёгар Карл Вильгельм Шееле галла (сиёҳ ёнғоқчаси) кислотасини ҳосил қилгандан сўнг узил-кесил аниқ-ланди.

Зирк дарахти пўстоғи қай-натилганда, сув бетига ошлай-диган кислоталар ажралиб чи-

қадикки, у темирга қўшилишиб темир оксиди тузлари ҳосил қилади. Бу жараён нордон му-ҳитда кечади. Ҳосил бўлган эритма заифроқ рангга эга бўлади, лекин қуриганда унда-ги темир оксидлиниб тўқроқ рангга қиради. Шундай қилиб, сувда эримайдиган ва ёруғлик нури таъсирига жуда чидамли бўлган темир оксид ҳосил бўлади. Сиёҳ ёнғоқчалари таркибида мавжуд бўлган гал-ла кислотаси зирк пўстоғидан олинадиган танин синга-ри темирга таъсирчан бўлади. Шу вақтдан бошлаб темир-гал-ланди сиёҳ ишлаш жараёни анча соддалашди.

Анвар ВАЛИЕВ тайёрлаган.

ХАНДАЛАР



— Бугун яна шўрва ичамизми, хотин.
— Сизга фойдали, бироз озасиз.



Чайковчи:
— Менинг ишим — бир бозордан олиб ик-кинчи бозорда сотиш.

Шуҳрат Субононов чизган суратлар.



Бахтли болалик.

Равиль Альбеков олган сурат лавҳаси.

САЛОМАТЛИК – ТУМАН БОЙЛИК

«Асабий одам»

Йўриқнома: Куйдаги саволларга «ха» ёки «йўқ» деб жавоб бериш билан сиз тортинчок, асабий, хавотирликка мойил одамми ёки аксинча хотиржам, бошиқ, ҳар қандай вазиятда ўзини тута биладиганлар қаторига кирасизми – шуларни билиб olasiz.

Калит: 15 дан ташқари барча саволларга «ха» жавоби учун – 1 балл, «йўқ» учун – 0 балл. 15-саволга «ха» жавобига 0 балл, «йўқ» жавобига – 1 балл берилади.

1. Тим қоронғуда ёлғиз ўзингиз қолсангиз этингиз жимирлаб хавотирга тушмайсизми?
2. Зиммангиздаги вазибаларнинг ҳаддан ташқари кўп деб ҳисоблайсизми?
3. Атрофдагиларнинг сиз ҳақингиздаги фикрлари сизни безовта қиладилми?
4. Телефон кўнгириги сизни тез-тез чўчитиб турадилми?
5. Майда-чуйдалар сизни безовта қиладилми?
6. Ўз саломатлигингиздан хавотирланасизми?
7. Пул топиш қайғуси сизни безовта қиладилми?
8. Транспортда кетаётганингизда бошқасига ўтишингиз керак бўлган автобус кетиб қолса – қаттиқ ачинасизми?
9. Бирон нарса сизни ҳаяжонга солса, уйқусизликдан қийналасизми?
10. Қачон бўлса ҳам уйқусизликдан дориға муҳтожлик сезасизми?
11. Қачонлардир тинчлантирувчи дори ичингизга зарурат бўлганими?
12. Ўзингизни сиқилган одам деб ҳисоблайсизми?
13. Жаҳлингиз чиққанда ёки жуда ҳаяжонланганингизда овозингиз титрайдилми?
14. Сизни хижолатга солиш осонми?
15. Осонгина ўзингизни қўйиб юборасизми?
16. Ўзингизга таниш бўлган кишиларнинг кўпчилигиға нисбатан безовталикка кўпроқ мойилми?
17. Ҳамиша нимадандир безовта бўлиб юришингизни тан олармидингиз?
18. Хафа бўлиб қолишингиз осонми?

19. «Ваҳима хуружи»дан қачон бўлса ҳам азият чекасизми?
20. Ҳамма ишингизни итқитиб, қочиб кетиш истаги қачонлардир ҳаёлингизга келганми?
21. Зўриққанингизда ёки асабийлашганингизда кучаядиган ҳасталиқлар, масалан, меъда сустлиги, теридаги тошмалардан азият чекасизми?
22. Шовқин сизни кўпинча гашлантирадилми?
23. Майда-чуйда маъмурий талаблар сизнинг жигингизга тегадилми?
24. Ишингиз юришмай қолганда хафа бўласизми?
25. Устингиздан қулишса – кўнглингиз ранжийдими?
26. Уйқуга ётишдан олдин эшик ёпиқлигини бир неча марта текшириб келасизми?
27. Кечки зиёфатларга, меҳмондорчиликка боришдан олдин ҳаяжонга тушасизми?
28. Уйингизга дўстларингиз келишадиган бўлса, уларни кутишга ҳамма нарсани тахт қилиб қўйишга кўп вақт сарфлайсизми?
29. Сизни қизартириш осонми?
30. Янги одамлар билан танишиш сизга ёқадими?

Натижа: 20-30 балл – сал нарсасга жуда тез ловуллаб кетадиган, заботи тор одам экансиз.

10-20 балл – ўртача жаҳлдорсиз.

5-10 балл – хотиржам, бошиқ-вазмин одам экансиз.

5 баллдан кам – терингиз қалин, ҳис-ҳаяжонларингиз чекланган одамсиз.

10 баллдан кўпроқ очко тўплаган бўлсангиз, кўп ҳам қайғуверманг ва Игорь Тальковнинг куйдаги маслаҳатига амал қилинг: «Ёлғиз қолишга ўзингизга ўзингиз халақит бермаслигингизни билсангиз ўз-ўзингиз ва фикрларингиз билан ёлғиз қолиб кетишингизнинг ёмон жойи йўқ. Гашингизни келтирувчи сабабни аниқлаб, уни бартараф этишга интилинг. Мабодо, объектив вазият тақозоси билан бунинг иложи бўлмаса, ўша сизнинг жаҳлингизни чиқарадиган сабабга муносабатингизни ўзгартириб турганингиз маъқул. Бунда Сизга диққатни бир жойга тўплаш яхши ёрдам беради».

БЎШ ВАҚТИНГИЗДА

Бошқотирма

Жавоб сўзлари шаклга «занжир» ҳолида ёзилади. 1. Бухородаги XVI аср иккинчи ярми, XVII аср бошларида бунёд этилган меъморлик мажмуи. 2. Юқорига чиқишга мўлжалланган мослама (2). 3. Қадимий пойтахт шаҳридаги қаср (2). 4. Металлга ўйиб нақш солиш санъати. (2). 5. Хиванинг Ичанқалъа мажмуидидаги обиди. (1). 6. Тасвирий санъат устаси. (3). 7. Иморатсоз уста. 8. Бинонинг олд томонидаги ҳашамдор қисми. (4). 9. Ёзув қуроли. (3). 10. Металл буюмларни ясовчи ва таъмирловчи ҳунарманд. (1). 11. Ойнаванд бино. (4). 12. Қўркам нозик гул. (4). 13. Латофат дунёсининг ҳосили — деб таърифланувчи соҳа. (6). 14. Ҳиндустоннинг Агра шаҳри яқинида бунёд этилган ноёб обиди. (4). 15. Энг қадимги юнон торли асбобларидан бири. (3). 16. Самарқанднинг кўна обидаси. (8). 17. Рассомлик ашёси. (4). 18. Ярим шар шаклидаги гўмбаз. (5). 19. Дуррадорлик асбоби. (1). 20. Намуна, нусха. (4). 21. Ўзбекистон халқ рассоми. (5). 22. Бухородаги қадимий қалъа. (2). 23. Миллий ипак гўла. (2). 24. Буюм сиртга пардоз бериш. (4). 25. Рангсиз суюқ бўёқ. (2). 26. Газламага безак тикувчи чевар. (6). 27. Заргарлик буюми. (5). 28. Марказий Осиё меъморлигига хос иморат тури. (1). 29. Пойтахтимиздаги меъморлик обидаси. (5). 30. Самарқанднинг Регистон майдонидаги обидалардан бири. (2). 31. Урта аср шарқидидаги шаҳарнинг марказий майдон.

(2). 32. Ўйиб ёки бўёқ билан ишланган безак. 33. Ёзлик оромгоҳ бино. (3). 34. Хона шифтининг эгма қисми. (1). 35. Меъморлик ёдгорлиги. 36. Газламанинг ўрими билан кўндалангига кесувчи иги. 37. Бинокорлик ашёси. 38. Нафис, тасвирий санъат асари. (2). 39. Ўзбек каштачилигида қўлланиладиган безак тури. (6).


Энди куйдаги рақамларни жавоб сўзларининг таърифдан сўнг қавс ичидаги тартибдаги ҳарфлар билан алмаштириб муаммономани ҳал этинг.

10; 30; 7; 14; 8; 15. 4; 6; 18; 3; 2; 5; 39; 33; 9; 22; 27. 17; 11; 13; 38; 16.

24; 25; 29; 12; 20; 34; 26; 31; 28.

Уларни ўқиш билан ҳосил бўладиган ҳикмат шарқ халқларига мансуб.

Тузувчи **Фозилжон ОРИПОВ**



Газетанинг 9 февраль сонидан чиққан бошқотирманинг жавоблари:

1. Искандар. 2. Радиф. 3. Фарход. 4. «Диплом». 5. «Мушсаот». 6. Тафт. 7. Танбех. 8. Хамроев. 9. Вазн. 10. «Найлайин». 11. Нома. 12. «Абушха». 13. Астроход. 14. Дурсултон. 15. Назм. 16. Мушоира. 17. Аруз. 18. Зуллиноайн. 19. Навфал. 20. Лайли.
- Муаммонома**
Очқин сўзлар: 1. Дарवेशали. 2. Лутфий. 3. Гулчехра. 4. Юз жафо. 5. Бешак нафъ. 6. «Бўстон». 7. Газал.
- Маснавий:**
 Юзидин кўнгулларға айшу араб,
 Сўзидин баданларға дафъи тааб,
 Очуғ чехраси тоза гулдин нишон,
 Ҳадисига бўлбу бўлиб жонфишон.
- Алишер Навоий.

ҚАТРА

Эгрилик

Парма ёғоч тешаркан ярим йўлга борганда қуртга дуч келди.
 — Иккимизнинг ишимиз бир хил экан. —
 Парманинг ўткир, яркироқ тишидан чўчиб

ялтқокланди кўрт гоҳ букилиб, гоҳ биланглаб. — Сенга муносиб ёрдамчи бўлсам, ишда хато қилсам йўл-йўриқ берсанг.
 — Оббо сен-ей. Ёғочни харён тешавериб, ярқисиз ҳолга келтирай дебсан-у, энди сўзингга ишониб, сени қўлаб юртнинг назаридан қолайми?! Дунёга келибсан-ки, ди-

лингга яраша йўлинг ҳам доим эгри-бугри зарардир, — деди парма ва тўри иш йўлидан қолмай ёғоч тешаркан, кўртни ҳам эзғилаб ўтди.
 Кўрт йўлидек эгри йўл танлаганининг барибир бир кун охири воядир.

Гани АБДУЛЛАЕВ

Бош муҳаррир
Акмал АКРОМОВ

Манзилими: 700000,
 Тошкент шаҳри,
 Матбуотчилар кўчаси, 32

Муассис:
Тошкент шаҳар ҳокимлиги

ТЕЛЕФОНЛАР:
 хатлар — 133-29-70;
 эълонлар — 133-28-95, 132-11-39.
 факс: (3712) 133-29-09.

Ҳақон — 2 босма таъб, офсет усулда босилган. Қўра бичим А-2.

Душанба, чоршанба ва жума кунлари чиқади.
Нашр кўрсаткичи — 209

Газета Ўзбекистон Давлат матбуот кўмитасида 10-рақамдан билаб рўйхатга олинган

Нашрига етказиб бериш масалалари буйича турар жойлардаги почта бўлимларига ёки «Тошкент почта»га — 133-74-05 телефонига мурожаат қилишингиз мумкин.

Газета «Тошкент оқшом»нинг компьютер марказида терилди ва саҳифаланди.

«Шарқ» нашриёт-матбаа акциядорлик компанияси босмахонаси. Корхона манзили: «Буёқ Туран» кўчаси, 41-уй.